



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XII. Erectio Episcopatus de Nankim Machaon. Diœcef.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

Provinciae acceptarentur: totum sit irritum, & inane, nec ullo Paternitatis, Provinciae titulo, aut privilegio gaudeat.

§. 5. Ministri Provinciales quarumcumque Provinciarum, necnon Custos Sac. Conventus Afflensis nullo modo ad habitum Religionis quemlibet alterius Provinciae admittere audeant, nisi prius accedat consensus in scriptis, & beneplacitum Procuratoris Provincialis nativae Provinciae, alias acceptatio nulla sit, & invalida, & transgredientes privationem suorum officiorum incurrant.

§. 6. Ad Lauream Magistralem nemo possit admitti, nisi juxta formam Constitut. Ordinis, praevio Collegio, ubi laudabiliter in omnibus Scholasticis exercitiis profecerit, publicas Theologicas Theses egregie sustinendo, & privatis conferentiis in Scholis, & Lectionibus assidue per totum triennium se exercendo, de quibus omnibus juratam fidem in scriptis Superiorum Localium, & suorum Regentum obtinere teneantur, sine qua nequeant a Ministro Generali Lauream obtinere, qui Superiores, & Regentes caute, & secundum conscientiam procedant, & tales fides negligentibus, qui in studiis non profecerint, denegare teneantur, sub poenis Ministri Generalis arbitrio reservatis, etiam privationis officiorum, ita pariter nemo valeat ad Collegia vocari, nec admitti, nisi prius publice Theologiae Theses laudabiliter sustinuerint, fidemque juratam Superiorum, & Regentum illorum studiorum, ubi fuerint morati, exhibeant, a Ministro Generali diligenter examinandam, sine qua nequeat Generalis Minister ullum ad Collegium admittere: sicut pariter neminem possit Collegialis gradu condecorare, nisi prius a pluribus Examinatoribus coram Eminentiissimo, & Reverendissimo Protectore Ordinis, & ipso Generali Ministro fuerit in tota Philosophia, & saltem duobus tractatibus Theologiae diligenter examinatus, & tali gradu dignus judicatus, ipso Ordinis Protectore consulto. Sicut etiam nemo ex Ultramontanis, & Ultramarinis Provinciis ad Lauream Magistralem possit admitti, nisi servata forma privilegiorum Summorum Pontificum praevio riguroso examine, & propriae Provinciae Diffinitorio annuente.

§. 7. Cum autem, sicut eadem expositio subjungebat, dictus Joseph Maria Minister Generalis Decreta hujusmodi, quo firmius subsistant, & ferventur exactius, Apostolica confirmationis nostrae patrocinio communiti plurimum desideret: Nos specialem ipsi Josepho Mariae gratiam facere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit ad effectum praesentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, ac audita super praemissis Venerabilis Fratris nostri Flavii Episcopi Albanen. S. R. E. Cardinalis Chiffi nuncupati memorati Ordinis apud Nos, & Sedem Apostolicam Protectoris relatione, Decreta praesentia auctoritate Apostolica tenore praesentium confirmamus, & approbamus, illique inviolabilis Apostolicae firmitatis robur adjicimus, ac omnes, & singulos juris, & facti defectus, si qui de super quomodolibet intervenerint supplemus.

§. 8. Decernentes praesentia Decreta, ac eadem praesentes literas semper firmas, validas, & efficacia existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore quandocumque spectabit in omnibus, & per omnia plenissime suffragari, & ab eis respective inviolabiliter observari: Sicque in praemissis per quoscumque Judices Ordinarios, & delegatos, etiam causarum

Palatii Apostolici Auditores judicari, & definitum debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 9. Non obstantibus Constitutionibus, & Ordinationibus Apostolicis, ac quatenus opus sit dicti Ordinis, ejusque Provinciarum, & Conventuum quorumvis, aliisque quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium praemissorum quomodolibet concessis, confirmatis, & innovatis, quibus omnibus, & singulis, illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permanentibus, ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

§. 10. Volumus autem, ut earundem praesentium literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum tam in judicio, quam extra illud habeatur, quae ipsis praesentibus haberetur si forent exhibitae, vel ostensa.

Datum Romae apud S. Mariam Majorem sub Annulo Pisc. die 5. April. MDCXC., Pontificatus nostri anno Primo.

Erigitur Oppidum de Nankim Machaonen. Diocesis in Civitatem, ejusque Ecclesia in Cathedrali, & Regi Portugalliae juspatronatus, & praesentandi conceditur.

Similis erectio extat Inn. XI. Const. ed. 1677., Septem. 29., P. 2. Et hujus Pontif. Constitutione sequenti.

ALEXANDER PAPA VIII.

Servus Servorum Dei. Ad perpetuam rei memoriam.

Romanus pontifex Beati Petri Caestis Regni Clavigeri successor, Christianique Vicarius cuncta mundi climata, omniumque Nationum in illis degentium qualitates considerat, ac ratione discutit, & examinat diligenter, propterea ex officii sui debito salutem omnium quaerens, & appetens, ea suadentibus moribus, & causis perpetua deliberatione disponit, & ordinat, quae divinae Majestati grata fore considerat, & quibus oves suae curae divinitus creditae ad Dominicum ovile conducantur, eisdem, scilicet aeternae salutis pollicito praemio. Nihil igitur certius, & acceptius Divinae Majestati esse censetur, quam ut Catholicae fidei veritas ad laudem, & gloriam divini Nominis in omnibus terrae partibus suscipiat incrementa.

§. 1. Sane cum Charissimus in Christo filius noster Petrus Portugalliae, & Algarbiorum Rex Illustris accepisset in parte Australi Regni Sinarum opera, & Ministerio variorum Religiosorum, & aliorum doctrina insignium, & vitae approbatorum virorum praecipua sollicitudine, & industria laborantium infinitas propemodum gentes, abjectis inde Satanae tenebris, ac Idololatriae, & Gentilitatis, haesumque erroribus ad Catholicam Christi Fidem, & Sanctae Matris Ecclesiae gremium amabilissimum conversas reperiri, eisque rationibus Religio Christiana in illis partibus, & Diocesis. &c. Ecclesiae Machaonen, quae de Jurepatronatus Regum Portugalliae ex fundatione, vel dotatione, seu privilegio Apostolico, cui non est haecenus in aliquo derogatum fore dignoscitur, sic longe, lateque propagata sit, ut Episcopus Machaonen. pro tempore

XII.

Dat. 10. Apr. 1690. An. 1.

Prooemium.

Causae d. Erectionis.

Ecclesia Machaonen. est de jurepatronatus Regis Portugalliae.

De receptione ad Habitum.

De Lauream Magistrali, & gradu Collegialis.

Preces Ministri Generalis.

Confirmatio relatorum Decretorum.

Clausulae.

existens ad illam, ejusque fines ob locorum distantiam transire, & singulorum cultus, ut Episcopum decet inspicere, aliaque partes boni Pastoris in universum exercere nequeat; quodque illius Incolæ, & habitatores proprio noscebantur Pastore indigere, qui præsentia sua, ac divino cooperante Spiritu Pontificalia omnia in illis Partibus exercere possit, & deberet; cumque in ea parte adsit inter cætera unum Oppidum de Nankim nuncupatum amplitudine, fertilitate, & commerciorum frequentia celebre in d. Oppido de Nankim una Ecclesia Beatæ Virginis dicata altera inibi existente major, & principalis, cui ejusdem Regis Lusitani Missionarii inserviunt, & in qua Missæ, & alia Divina Officia celebrantur, & Ecclesiastica Sacramenta administrantur, jampridem erecta, & fundata existat, cum Sacrario ad Divinum Cultum sufficienter instructo. Proptereaque dictum Oppidum de Nankim a Diocesi Machaonen. dismembrari, & in Civitatem, dictamque Ecclesiam B. Virginis in Cathedralem erigi, & in ea Catholicum Antistitem, & Pastorem proprium institui, qui illos adhuc debiles in ipsa Fide confirmare, & majora Seminarum plantare, Dominicique Ovilis septa ædificare, cæteraque Pontificalia omnia in illis partibus exercere poterit, & debeat, omnino expediret, devotionis suæ zelo ductus, populus in illis partibus degentibus consulere plurimum exoptasset, ac nobis super hoc per ejus literas humiliter supplicasset:

Preces Regis
Portugalliæ.

§. 2. Idcirco nos matura super his cum nonnullis Venerabilibus Fratribus nostris S. R. E. Cardinalibus Congregationis particularis de Propaganda fide super rebus Indiarum Orientalium specialiter deputatæ, cui negotium dismembrationis, & erectionis hujusmodi discutien. a nobis remissum fuerat, habita deliberatione Oppidum prædictum de Nankim Episcopali, & Civili titulo dignum judicantes piisque dicti Petri Regis Vocis libenter annuentes de Venerabilium Fratrum nostrorum ejusdem S. R. E. Cardinalium consilio, & assensu, deque Apostolica potestatis plenitudine Oppidum de Nankim prædictum ab ordinaria Jurisdictione Episcopi Machaonen., Apostolica auctoritate tenore præsentium perpetuo segregamus, dividimus, separamus, & dismembramus, illudque, ac ejus Clerum, & populum, quoad legem Diocesanam ab Episcopi Machaonen. superioritate, jurisdictione, potestate, subjectione, vilitatione, & correctione prorsus eximimus, & liberamus, ac Oppidum de Nankim prædictum Civitatis, illiusque Incolas Civium Nomine, titulo, & honore decoramus, illudque in Civitatem, quæ de Nankim denominetur, & in eo dictam Ecclesiam Beatæ Virginis dicatam in Cathedralem Ecclesiam sub invocatione ejusdem Beatæ Virginis pro uno Episcopo de Nankim nuncupando, qui illi præsit, ac Ecclesiam ipsam ad formam Cathedralis Ecclesiæ redigi faciat, necnon in ea, & dictæ Civitatis, ac ejusdem Ecclesiæ Diocesi, tot dignitates, Canonicatus, & Præbendas, aliaque Beneficia Ecclesiastica cum cura, & sine cura, quot inibi Divino cultui, & dictæ Ecclesiæ servitio, ac Ecclesiastici Cleri decori sibi videbuntur convenire de prædicti Petri, & pro tempore existentis Portugalliæ, & Algarbiorum Regis Consilio, & assensu, ac prævia eorum congrua dotatione quamprimum fieri poterit, erigat, & instituat; necnon Episcopalem Jurisdictionem, auctoritatem, & potestatem exercere, omniaque, & singula, quæ Ordinis, quæque jurisdictionis, & cujuslibet alterius muneris Episcopalis sunt, & quæ alii tam in Portugalliæ, & Algarbiorum Regnis, & Dominis, quam alibi ubicumque constituti Episcopi in suis Ecclesiis, Civitatibus, & Diocesis de jure, & consuetudine, vel alias quomodolibet ex privilegiis, gratiis, & Indultis, ac

Dismembratio d. Oppidi
Diocesis Machaonen.

Ejus erectio
in Civitatem,
& Ecclesiæ
B. M. V. in
Cathedralem.

Institutio Episcopatus
ad instar aliorum cum subjectione Archiepiscopi Goan.

dispensationibus Apostolicis quæcumque fuerint, etiam per alias Apostolicas eis desuper nominatim, & in specie concessas, auctoritate, & facultate suffulti facere, & quibus uti solent, & possunt pariformiter æque principaliter, & absque ulla prorsus differentia, perinde ac si sibi quoque nominatim, & in specie concessa, & expressa fuissent, etiam si talia sint, quæ specialem notam, & mentionem requirant, & sub generali concessione non veniant, in sua Diocesi de Nankim facere, gerere, & exercere libere, & licite possit, & debeat, ac pro tempore existenti Archiepiscopo Goan. Jure Metropolitico, prout ante separationem, & dismembrationem hujusmodi existebat, subsit cum Sede, & Mensa, aliisque Insigniis Episcopalibus, necnon præminentibus, & honoribus, privilegiis, immunitatibus, & gratiis spiritualibus, & temporalibus, personalibus, realibus, & mixtis, quibus cætera Cathedralis Ecclesiæ Regnorum, & Dominiorum prædictorum similiter de jure, vel consuetudine, aut speciali privilegio, seu Indulto Apostolico, vel alias quomodolibet utuntur, potiuntur, & gaudent, ac uti, potiri, & gaudere poterunt, quomodolibet in futurum de similibus consilio, & potestatis plenitudine, Apostolica auctoritate prædicta earumdem tenore præsentium etiam perpetuo erigimus, & instituiimus.

Termini
Diocesis d.
Episcopatus.

§. 3. Ac eidem sic erectæ Ecclesiæ Oppidum de Nankim sic in Civitatem erectum pro Civitate, & alia Oppida, Castra, Villas, Territoria, & Districtus dictæ Diocesis Machaonen. juxta divisionem per eundem Regem, vel Machaonen., ac de Nankim, & de Pekim similiter in Civitatem erigendi Episcopos de ejusdem Regis commissione inter se faciendi pro Diocesi, necnon Ecclesiasticas pro Clero, & Sæculares personas in Civitate, & Diocesi hujusmodi pro tempore degentes pro populo, de consilio, potestate, & auctoritate similibus etiam perpetuo concedimus, & assignamus, Civitatemque, Clerum, & Populum hujusmodi Episcopo de Nankim quoad Episcopalem, & Archiepiscopo Goan. pro tempore existenti, quoad Metropolitam, ordinariam jurisdictionem, & superioritatem de dictorum Fratrum consilio, & potestatis plenitudine paribus etiam perpetuo subijcimus.

Mensæ Dos.

§. 4. Necnon Mensæ Episcopali de Nankim hujusmodi pro ejus dote redditus annuos quingentorum Cruciatorum monetæ Portugalliæ, quadringentos ducatos auri de Camera constituentium per ipsum Petrus Regem assignandos, quam quidem summam idem Petrus Rex de suis, & pro tempore existentium Portugalliæ, & Algarbiorum Regum hujusmodi bonis gratiose, & irrevocabiter ad hunc effectum donavit, & obtulit, ac solvere quotannis promisit, seu promittit ex tunc, prout ex ea die, & ex nunc postquam assignati fuerint, ut præfertur similiter perpetuo applicamus, & approbamus.

Regibus Portugalliæ servatur juspatronatus, & præsentandi ad Episcopatum, alias dignitates, & beneficia.

§. 5. Et insuper Petro Regi, & pro tempore existentibus Portugalliæ, & Algarbiorum Regibus prædictis Juspatronatus, & præsentandi ad dictam Ecclesiam Nankim videlicet Nobis, & pro tempore existenti Romano Pontifici infra annum ob locorum distantiam tam hac prima vice, quam quoties illa deinceps quovis modo etiam apud Sedem Apostolicam vacare contigerit per Nos, & pro tempore existentem Romanum Pontificem hujusmodi in ejusdem Ecclesiæ de Nankim Episcopum, & Pastorem ad præsentationem hujusmodi, & non alias præficiendo; ad majorem vero post Pontificalem, ac principalem, ac alias dignitates, Canonicatus, & Præbendas, necnon Beneficia erigenda cum de Petri Regis, & pro tempore existentium Regum hujusmodi pariter bonis dotata fuerint, tam ab eorum primæva erectione, quam ex tunc deinceps

quories

quoties illa quibusvis modis, ex quorumcumque personis etiam apud Sedem eandem vacare contigerit, Episcopo de Nankim pro tempore existenti prædicto infra terminum a Jure præscriptum similiter per eum ad præsentationem prædicti Petri Regis, & pro tempore existentium Portugallia, & Algarbiorum Regum in ipsis dignitatibus, Canonicatibus, & Præbendis, ac Beneficiis instituendis, etiam eadem auctoritate pariter reservamus, & concedimus.

Clausula
Tituli d. jus-
patronatus.

§. 6. Decernentes Juspatronatus, & præsentandi hujusmodi Petro, & pro tempore existentibus Regibus prædictis ex meritis foundationibus, & dotationibus competere illique etiam per Sedem eandem etiam consistorialiter, quacumque ratione derogari non posse, nec derogatum censeri, nisi ipsius Petri, & pro tempore existentium Regum prædictorum ad id expressus accedat assensus; & si aliter quovis modo derogetur, derogationes hujusmodi cum inde secutis, nullius roboris, efficaciam, & momenti fore.

§. 7. Sicque per quoscumque Judices etiam Commissarios quavis auctoritate fungentes, etiam S. R. E. Cardinales, etiam de Latere Legatos, Vice-Legatos, Sedisque prædictæ Nuncios, etiam Causarum Palatii Apostolici Auditores, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere; irritum quoque, & inane quidquid fecus super his a quoquam quavis auctoritate scienter, vel ignoranter contigerit attentari.

§. 8. Non obstantibus Lateranen. Concilii novissime celebrati ab Ecclesiis membra distinguendi, & dividi prohibentis, ac Regula nostra de non tollendo Jure quæsito, & unionibus committendis, ac valore exprimendo quatenus opus sit, aliisque Constitutionibus, & Ordinationibus Apostolicis. Quibus omnibus, & singulis etiam si de illis, eorumque totis tenoribus specialis, specifica, expressa, & individua, non autem per Clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illis alias in suo robore permanens, hac vice dumtaxat harum ferie specialiter, & expresse derogamus, cæterisque contrariis quibuscumque.

§. 9. Nulli ergo omnino hominum liceat hanc paginam nostræ segregationis, divisionis, separationis, dismembrationis, exemptionis, liberationis, decorationis, erectionis, institutionis, concessionis, assignationis, subjectionis, applicationis, appropriationis, reservationis, Decreti, & derogationis infringere, vel ei ausu temerario contraire: Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud S. Mariam Majorem Anno Incarnationis Dominicæ millesimo sexcentesimo nonagesimo, Quarto Idus Aprilis, Pontificatus nostri Anno Primo.

XIII.

Erigitur Oppidum de Pekim Machaonen. Dioc. in Civitatem, ejusque Ecclesia in Cathedrallem, & Regi Portugallia juspatronatus, & præsentandi conceditur.

Similem erectionem habes Constitutione præcedenti. Et dismembrationem quarundam Provinciarum in eodem Regno Sinarum. Innoc. XII. Constit. ed. 1694. Maji, P. 3. Inn. XII. Constit. ed. 1696. Octob. 15. P. 6.

ALEXANDER EPISCOPUS,

Servus Servorum Dei. Ad perpetuam rei memoriam.

Romani Pontificis Pastoralis sollicitudo in supremo Apostolicæ potestatis folio ex omnipotentis Dei providentia constituta ad ea potissimum dirigitur, per quæ Salvatoris nostri Jesu Christi æterni Patris Unigeniti fides, & gloria in dies magis magisque augetur, & multiplicatur, qui ubi messem multam esse comperit, operariorum penuriam attendens, & ministrorum suorum curas variis diei horis ad opera mittere non desistit; cum & ipse, ut homines salutaris vitæ, & Cælestis Patriæ cultores efficeret, de summis Cælorum ad hujus mundi infima, & in Sacrosanctæ Crucis Ara pro nostra salute in pretium immolari dignatus sit, cujus cum licet immeriti vices geramus in terris inter multiplices curas, quæ ex Apostolico munere Nobis incumbere dignoscimus, illa præsertim cordi nostro est, ut multiplicata messe, & Agri Domini cultores multiplicentur, quorum assiduis operibus, & fructuosis ministeriis fructus spiritualis ad centesimum usque augetur, & Populus Christianus eisdem Rectioribus gubernetur, quos pater æternus sui operis ministros esse disposuit. Propterea piissimi Patris familias partes favorabiliter implere curamus.

Dat. 10. Apr.
1690. An. 1.

Procurium.

§. 1. Sane cum charissimus in Christo filius noster Petrus Portugallia, & Algarbiorum Rex Illustris pio præponderans affectu, quod in toto vastissimo Imperio Sinarum, in quo infinitæ prope modum Gentes ad cognitionem veri luminis & Sanctæ Matris Ecclesiæ gremium accesserunt, unica tantum Ecclesia Cathedralis Machaonen, quæ de Jure patronatus dicti Regis ex fundatione, vel dotatione, seu privilegio Apostolico, cui non est hæcenus in aliquo derogatum fore dignoscitur, reperitur, cujus Episcopus ob locorum distantiam singulorum vultus inspicere, aliasque partes boni Pastoris in Universum exercere nequirit, attendens, quod in eodem Imperio etiam reperirentur inter cætera unum Oppidum de Pekim nuncupatum Incolarum multitudine, præsertim Christifidelium, ac militum, ac magistratum numero copiose refertum, & ad quod ex omni parte Regni Sinarum pars maxima, & fere totius Imperii divitiæ confluunt, & merces undequaque advehuntur, & in dicto Oppido una Ecclesia Beatæ Virginis dicata, aliis inibi existentibus, major, & principalis, cui Missionarii ejusdem Lusitani Regis inserviunt, & in qua missæ, & alia Divina Officia celebrantur, & Ecclesiastica Sacramenta administrantur jam pridem erecta, & fundata existeret cum Sacratio ad Divinum cultum sufficienter instructo; Proptereaque dictum Oppidum de Pekim a Diocesi Machaonen. dismembrari, & in Civitatem, dictamque Ecclesiam Beatæ Virginis in Cathedrallem erigi, & in ea Catholicum Antistitem, & Pastorem proprium institui, qui illos adhuc debiles in ipsa fide confirmare, & majora Seminaria plantare, Dominicique ovilis septa ædificare, cæteraque Pontificalia omnia in illis partibus exercere possit, & debeat omnino expediret, devotionis suæ zelo ductus, populis in illis partibus degentibus consilulere plurimum exoptasset, ac nobis super hoc per ejus literas humiliter supplicasset.

Causæ d.
Erectionis.

Preces Regis
Portugallia.

§. 2. Idcirco nos matura super his cum nonnullis Venerabilibus Fratribus nostris S. R. E. Cardinalibus Congregationis particularis de Propaganda Fide super rebus Indiarum Orientalium specialiter deputatæ, cui negotium dismembrationis, & erectionis hujusmodi discentium a Nobis remissum fuerat, habita deliberatione Oppidum prædictum de Pekim Episcopali, & Ci-